

90.—HE WAIATA TANGI.

Na TIARIA. (Ngati-Tuwharetoa.)

Na Te Taite Te Tomo i whakamarama.

Ko Tiaria no Ngati-Tuwharetoa, he kuia no Te Heuheu ma. He mokopuna a Teri Paerata nana. a i tapaia ki te tuahine o Teri Paerata tera ingoa a Tiaria.

(Ref.: M. 83.)

E rere e te ao
E kume i runga ra:
Ko au ki raro nei
Mihi wairua ai.
Waiho ra-mota
Kia taria ake,
Ka tae nga tohu
O te tau ka wehea.
Kei hua mai koutou
E noho pōnonga ana:
Tenei ka awherangi¹
Aku rongō kaia,
I maua e Raha²
Te tibi ki Whakatara³:
Ai rawa he korero
Te runanga taua,
Nau na. e Tuiri⁴.
Tu ana i te ia
O Arowhena⁵ i raro.
Ki a koe, e Nini⁶,
Kia whakarikaia
Te piau tawhiti⁷.

¹Awherangi.—Ka rere nga rongō, ka rongō tena, ka rongō tena.

²Raha.—Ko Te Paraha, no Ngati-Turumakina. . Ko Neri Te Paraha ma ana uri.

³Whakatara.—Kei runga ake o Waihi i Tokaanu.

⁴Te Tuiri.—No Ngati-Tuwharetoa.

⁵Arowhena.—He puke iti kei te taha hauauru o Titiraupenga.

⁶Nini.—Ko te Rangianini no Ngati-Maniapoto, no Ngati-Whakaterē.

⁷Piau tawhiti.—He toki maitai.